0.0.1 therasuttam

- **0.** sāvatthinidānam:
- 1. pañcahi bhikkhave dhammehi samannāgato thero bhikkhu bahujanāhitāya¹ paṭipanno hoti, bahujanāsukhāya² bahuno janassa anatthāya ahitāya dukkhāya devamanussānaṃ. katamehi pañcahi:
- 2. thero hoti rattaññū cirapabbajito. ñāto hoti yasassī gahaṭṭhapabbajitānaṃ³ bahujanaparivāro. lābhī hoti cīvarapiṇḍapātasenāsanagilānapaccayabhesajjaparikkhārānaṃ. bahussuto hoti sutadharo sutasannicayo, ye te dhammā ādikalyāṇā majjhekalyāṇā pariyosānakalyāṇā sātthā savyañjanā kevalaparipuṇṇaṃ parisuddhaṃ brahmacariyaṃ abhivadanti, tathārūpāssa dhammā bahussutā honti dhatā vacasā paricitā manasānupekkhitā diṭṭhiyā appaṭividdhā⁴. micchādiṭṭhiko hoti viparītadassano.
- 3. so bahujanam saddhammā vuṭṭhāpetvā asaddhamme patiṭṭhāpeti. thero bhikkhu rattaññū cirapabbajitotipissa diṭṭhānugatim āpajjanti. ñāto thero bhikkhu yasassī gahaṭṭhapabbajitānam. bahujanaparivārotipissa⁵

¹bahujana ahitāya (machasaṃ)

²bahujana asukhāya (machasaṃ)

³sagahatthapabbajitānam (machasam)

 $^{^4\}text{using machasam}$ reading, appaṭividdhā, to avoid contradiction with the sentence that follows

pts 115 q 115

itipissa (machasam)

diţţhānugatim āpajjanti. lābhī thero bhikkhu cīvarapindapātasenāsanagilānapaccayabhesajjaparikkhārānantipissa diţţhānugatim āpajjanti. bahussuto thero bhikkhu sutadharo sutasannicayotipissa diţţhānugatim āpajjanti.

- **4.** imehi kho bhikkhave pañcahi dhammehi samannāgato thero bhikkhu bahujanāhitāya paṭipanno hoti bahujanāsukhāya bahuno janassa anatthāya ahitāya dukkhāya devamanussānanti⁶.
- 5. pañcahi bhikkhave dhammehi samannāgato thero bhikkhu bahujanahitāya paṭipanno hoti bahujanasukhāya bahuno janassa atthāya hitāya sukhāya devamanussānam. katamehi pañcahi:
- 6. thero hoti rattaññū cirapabbajito. ñāto hoti yasassī gahaṭṭhapabbajitānaṃ bahujanaparivāro. lābhī hoti cīvarapiṇḍapātasenāsanagilānapaccayabhesajjaparikkhārānaṃ. bahussuto hoti sutadharo sutasannicayo, ye te dhammā ādikalyāṇā majjhekalyāṇā pariyosānakalyāṇā sātthā savyañjanā kevalaparipuṇṇaṃ parisuddhaṃ brahmacariyaṃ abhivadanti, tathārūpāssa dhammā bahussutā honti, dhatā vacasā paricitā ma

⁶devamanussānaṃ machasaṃ

bit 184 x 184

 $^{^7}$ sagahaṭṭhapabbajitānam machasam

⁸sāttham savyañjanam machasam

⁹dhātā machasam

nasānupekkhitā diţţhiyā suppaţividdhā. sammādiţţhiko hoti aviparītadassano.

- 7. so bahujanam asaddhammā vuṭṭhāpetvā saddhamme patiṭṭhāpeti. thero bhikkhu rattaññū cirapabbajitotipissa¹¹¹ diṭṭhānugatim āpajjanti. ñāto thero bhikkhu yasassī gahaṭṭhapabbajitānam bahujanaparivārotipissa diṭṭhānugatim āpajjanti. lābhī thero bhikkhu bahujanahitāya paṭipanno hoti bahujanasukhāya bahuno janassa atthāya hitāya sukhāya devamanussānam bahussuto thero bhikkhu sutadharo sutasannicayotipissa diṭṭhānugatim āpajjanti.
- 8. imehi kho bhikkhave pañcahi dhammehi samannāgato thero bhikkhu bahujanahitāya paṭipanno hoti bahujanasukhāya bahuno janassa atthāya hitāya sukhāya devamanussānanti.

¹⁰iti pissa machasam pts 116 q 116